

Despues di audicion...

Finalistanan pa Star Revue 2007 ta conoci



ORANJESTAD - Diasabra 10 di maart a tuma luga na Cas Di Cultura e audicion pa Star Revue 2007, unda cu banda, cantante y bailarinanan a haci un audicion pa purba nan suerte pa por bai participa den e talent show di Star Revue, cu por cierto ta mustrandó di bira algo grandi atrobe e aña aki.

E miembronan di hurado tabatin un tarea basta difícil pa nan huzga segun e criteria stipula. Esnan cu logra clasifica lo haya permiso pa bai participa na e Star Revue (talentshow di Colegio Arubano) cu lo tuma luga dia 4, 5 y 6 di Mei benidero na Cas di Cultura.

E audicion a cuminsa 9'or di mainta y a caba despues di 12'or di merdia. Tabatin tres cuerpo di hurado. Uno pa baile cu e miembronan: Diana Antonette y

Pierangely Wever. Pa canto Richard Dabian, Gilda Fernandes, Rose-Marie Provence y Jane Lanooij—de Cuba y pa banda y musica en general nos tabatin Chuchó Hoek, Chayo Tromp, Claudius Phillips y Carlos Bislip, kendenan a fungi como miembro di hurado.

E tabata un mainta exitoso, unda cu en berdad e alumnonan di Colegio Arubano a haci nan maximo esfuerzo pa trece nan miho padilanti y pa laga un bon impresion atras. E gruponan cu mas a impacta y cu a logra clasifica pa participa den e show di Star Revue 2007 ta lo siguiente:

- Minus One
- Arubian Vatos
- The Unsolved
- Nothing Else
- C-Thune
- Eltienne Yarzagaray
- Shun Luk & Anthony



Geerman

- United Colors
- Zoë Timmer
- A Perfect 10
- Mariah Warner
- Quiline Arends
- Eduardo Garcia
- Entre Nos
- Trio Latino
- Jeremy & Elisa
- Samer Hamawi
- Shickah-biddy
- Abada Capoeira Aruba
- Giovanna Croes & Lynette Do Nascimento

Un danki ta bai na Cas di Cultura, specialmente na Sra. Joan Hart y Sr. Henry Garcia pa haci e sala di exposicion lo mas pronto posibel

disponibel pa nos; na e Oudercommissie di Colegio Arubano, den persona di Sra. Elvira Marrugg y Sra. Deborah y Sr. Rick Timmer. Tambe un danki di curazon na tur miembro di hurado cu a copera cu nos espontaneamente y cu hopi dedicacion, dunando feedback na tur participante despues di nan presentacion durante e audicion. Nos gratitud ta bai tambe na Eddie Tromp y su asistente Ibi Albertus, na Arubaanse Muziek School, e alumnonan di Colegio Arubano cu a tuma e curashi pa ensaya y prepara nan mes pa bin demonstra nan talento na e audicion. Tambe na nan mayornan pa

nan cooperacion pa trece y busca e artistanan na e audicion.

Un danki grandi ta bai na e team organisador di Star Revue, kendenan tur ta alumno di Colegio Arubano. E direccion general ta den man di Sra. Maybelline Arends-Croes, docente di musica na Colegio Arubano cu un colobaracion tremendo y estrecho di vice-director di e team di Star Revue, esta Marko Espinoza, kende tambe ta un alumno di Colegio Arubano. Sra Maybelline ta hopi orguyoso di e team organisador aki y di tur e talentonan cu a haci nan esfuerzo pa bin na e audicion.

